

Appendix A

Profesor Madya Dr Yaacob Ibrahim: Masyarakat Melayu-Islam di Singapura telah menunjukkan semangat yang kental dan mencapai prestasi yang begitu memberangsangkan. Kita sedang berada di landasan yang betul dalam menentukan hala tuju selanjutnya dan dalam menghadapi isu sosial dan cabaran dunia global. Kehidupan beragama kita begitu dinamik dan progresif. Matlamat sebenar kita adalah untuk mengecap kehidupan yang lebih baik untuk masyarakat kita, sesuai dengan visi kita untuk menjadi masyarakat cemerlang dan masyarakat gigih yang berperanan membawa kesejahteraan dan kemakmuran kepada negara kita.

Saya ingin mengambil kesempatan ini untuk merakamkan ucapan terima kasih kepada para pemimpin masyarakat, para asatizah dan badan-badan Melayu-Islam kerana bersedia tampil ke hadapan untuk membimbing dan melibatkan diri dalam usaha-usaha untuk memajukan masyarakat kita. Bak kata pepatah, *"berat sama dipikul, ringan sama dijinjing"*. Dengan adanya kesepakatan usaha dan kesepaduan matlamat, saya yakin kita boleh mengatasi cabaran yang sedang dan akan kita hadapi pada masa mendatang. Meskipun adakalanya perbincangan kita tidaklah *"sebulat pembentung"* dalam semua perkara, yang penting kita menerima hakikat bahawa ia tidak harus menjejaskan matlamat utama kita untuk sama-sama memajukan masyarakat kita. Untuk itu, kita harus menyetepikan apa jua kepentingan peribadi atau kelompok kita demi kepentingan masyarakat.

Forum Pemimpin Masyarakat kini menjadi landasan musyawarah. Ia bersesuaian dengan pendekatan agama dan budaya kita. Ia akan terus menjadi teras amalan dan kesepakatan kita. Kita mesti mengamalkan prinsip *"bulat air kerana pembentung, bulat masyarakat kerana muafakat"*. Terima kasih.